

# Radøy kommune

## Saksframlegg

Saknr	Utval	Type	Dato
036/2018	Hovudutval for plan, landbruk og teknisk	PS	13.06.2018

Sakshandsamar	Arkivsaknr.:	Dokumentnr.:
Andreas Granli	18/294	18/6649

### Søknad om støtte frå kommunalt viltfond

#### Saksopplysingar:

##### Bakgrunn

Radøy kommune mottok 6. februar 2018 søknad om viltfondsmidlar frå Radøy skyttarlag. Det er søkt om 111 500 kr frå viltfondet for kjøp og montering av 7 elektroniske skiver på baneanlegget. Frå før er det montert 5 elektroniske skiver på anlegget og med montering av 7 nye skiver får bana 12 plassar slik den var planlagt. Skyttarlaget har bekrefta at det er søkt viltfondsmidlar til innkjøp av skivene og tilhøyrande utstyr, montering vert gjort på dugnad i laget og med eigne midlar. Det er ikkje søkt om andre midlar til skivene.

Saka var oppe i underutvalet 13. mars. På møte i underutvalet vart det vedteke at ein skulle senda ei positiv tilråding til hovudutvalet for avgjerd.

##### Vurdering

Arbeid med ny skytebane i Radøy har pågått sidan 1991. Bana skal vera eit aktivitetsanlegg for DSF-skyting, sportsskyting og jaktskyting. Bana er bygd og drifta gjennom eit samarbeid mellom Radøy skyttarlag, Nordhordland jakt og fiskelag, Nordhordland Pistolklubb og Radøy sportsskyttarlag.

Det er godkjent reguleringsplan for skytebaneområdet frå 07.11.2006, det var og godkjent endringar 23.01.2013. I reguleringsplanen er anlegget omtalt slik: «Det planleggast eit skytebaneanlegg med riflebaner for faste skiver på 200 m hold. På 100 m hold er det planlagt løpande elg og faste skiver kombinert. Det leggast også til rette for 50 m vilmålbane og 25 m pistolbane. I tillegg planleggast det ei jegertrap-bane for skyting på leirduer».

Om elektroniske skiver står det: «Det er forutsett bruk av elektroniske skiver på riflebanene, slik at det ikkje er nødvendig å ferdast inne på fareområdet når skyting foregår».

Ei god skytebane er viktig for viltforvaltninga i området, då den gir ein arena for skytetrening, kunnskapsformidling og fungerer som ein møteplass for jegerar. Skytetrening er den viktigaste faktoren for å få ned tal skadeskytingar og ettersøk. I samband med opplæring på våpenhandtering resulterer det i betre jegerar og sikker og human jakt. Ei skytebane er ein god møteplass for jegerar og andre skyttarar på tvers av vald og ferdighetsnivå, der kunnskapsutveksling og diskusjonar kan gje ei betre forvaltning og organisering av jakta. Eit godt miljø vil og gje nye jegerar innpass og nødvendig opplæring.

Underutvalet for vilt og innlandsfiske stiller seg positiv til tiltaket og til å støtta det med midlar frå viltfondet. Ved søknaden ligg tilbod frå Kongsberg target systems med pris for 7 skiver og tilhøyrande

utstyr. Det er søkt tippemidlar for andre delar av totalprosjektet. Kjøp og montering av skiver på 100 m bane er tenkt finansiert gjennom viltfondsmidlar, eigne midlar og dugnad frå medlemmane.

### **Viltfond**

Kommunalt viltfond er regulert av Forskrift om kommunale og fylkeskommunale viltfond og fellingsavgift for elg og hjort. Viltfondet får inn midlar gjennom fellingsavgifta på hjort, valda betalar 300 kr for vaksne dyr og 180 kr for kalv. Tidlegare, åra 2006 – 2013, vart det felt bortimot 250 dyr årleg. Dei siste to åra har fellingstalet endt på 195-200 dyr i året, det tilsvasar om lag 50 000 i årleg inntekt for fondet.

I dag står viltfondet i ca. 317 000 kroner. Forskrifta og lokale retningslinjer regulerer bruken av viltfondet til tiltak som fremjar viltforvaltning, kunnskap om viltet, jaktorganisering, utgifter til handtering av skadd vilt og fallvilt, og tiltak for å førebyggja skader på landbruksnæringa forårsaka av vilt. Lokale retningslinjer ligg ved.

Radøy kommune har tidligare støtta m.a. aktivitetar knytt til opplæring og auke av kunnskap hjå lokale jegerar (kurs, samlingar, jegerprøve) og støtta tiltak og arrangement i tilknyting til utdanning av godkjende ettersøkshundar med viltfondsmidlar. Radøy skyttarlag har og tidlegare fått midlar frå viltfondet.

### **Konklusjon**

Det omsøkte tiltaket kan støttast av viltfondsmidlar og er eit positivt tiltak for jegerane på Radøy og omegn.

### **Rådmannen sitt framlegg til vedtak:**

Det vert løyvd 111 500 kr i tilskot frå Radøy kommune sitt viltfond til montering av 7 elektroniske skiver på baneanlegget. Dokumentasjon på bruk av midlane vert sendt Radøy kommune når tiltaket er gjennomført.

### **Hovudutval for plan, landbruk og teknisk - 036/2018**

#### **PLT - handsaming:**

Hovudutvalet vedtok rådmannen sitt framlegg til vedtak.

#### **PLT - vedtak:**

Det vert løyvd 111 500 kr i tilskot frå Radøy kommune sitt viltfond til montering av 7 elektroniske skiver på baneanlegget. Dokumentasjon på bruk av midlane vert sendt Radøy kommune når tiltaket er gjennomført.

#### **Vedlegg:**

Scanned from a Xerox multifunction device